

# LIST S. JAPOŠTOŬA PAWOŬA NA ROMSKICH.

## STAW I.

Pawoŭ swoje japoštoŭske zastojuŭstwo poručejo žada, za přédowanje ewangelia mócnje zahorjeny, Romskich wohladać a dopokazuje, zo su pohani, kotřiž Boha ze stworjenjow spóznawaju, jeho služby so wotrjekši, wobrazy stworjenjow česćicy, z prawom wot Boha wopušćeni a khostani za to do žadławych hrěchow padnyli, kotrež so tu mjenuja.

**P**awoŭ, služownik Jězusa Khrystusa, powołany japoštoŭ, wotdžěleny za ewangelium Bože,\* — Jap. sk. 13, 12.

2. Kotrež bě (Bóh) prjedy slubil přez svojich profetow w swjatyh pismach\*

3. Wo swoim Synu, kotryž jemu so narodzi z Davidoweho symjenja po mjasu,

4. Kotryž bu mócnje wopokazany jako Syn Boži po duchu swjatosće přez wotmortwych-wstaće, (mjenujey) wo Jězusu Khrystusu, našim Knjezu,\*

5. Přez kotrehož dóstachmy hnadu a japoštoŭstwo k poslušnosći wěry mjeze wšěmi ludami jeho mjena dla,\*

6. Mjez kotrymiž sće tež wy powołani Jězusa Khrystusa: —

7. Wšitkim lubowanym Božim, kotřiž su w Romje, powołanym swjatym:\* Hna-

da wam a pokoj wot Boha našeho Wótea a Knjeza Jězusa Khrystusa.\*\*

8. Najprjedy pak praju džak swojemu Bohu přez Jězusa Khrystusa dla was wšitkich, zo waša wěra so khwali po wšim swěće.\*

9. Přetož mój swědk je Bóh, kotremuž služu w swoim duchu přez ewangelium jeho Syna, zo bjez přestaća na was spominam

10. Stajnje w svojich modlitwach prošo, zo bych snadź něhdy zbože měl, po Božej woli k wam přińć.\*

11. Přetož žadam was wohladać, zo bych wam wudžělil něšto z duchowneho dara k vašemu wobtwjerdženju;

12. To je, zo bych mjez wami sobu posylnjeny byl přez wěru, kotruž mamy zhromadnje,\* wašu a moju.

13. Njechcu pak, bratřa, zo byšće nje-wědzeli, zo sebi často předewzach k wam přińć (ale běch zadžěwany hač do nětk), zo bych někajki plód měl tež mjez wami, jako tež mjez druhimi ludami.\*

14. Grekskim a barbaram, mudrym a njemudrym sym dolžnik;\*

I. 1. Pawoŭ k službje japoštoŭstwa powołany a za přédowanje ewangelia wot Jězusa Khrystusa wuzwoleny, postrowja w r. 1—7 křesćanow w Romje. Wón bu runja druhim japoštoŭam wot Khrystusa samoho powołany, hl. jap. sk. 9, 15; wot njeho bu wo potajnosćach wěry rozwučeny a jako wučer pohanow postajeny abo wotdžěleny, hl. jap. sk. 13, 2. — 2. Tu dopomina na hłowne wopriječće ewangelia, kotrež wozjewja Jězusa Khrystusa; tón je po čěle, jako čłowjek, Davidowy potomnik, z kotrymž so, jakož bě wot wěčnosće postajene, Syn Boži k jenej wosobje zjednoći. — 4. „Po duchu swjatosće“ rěka: kaž bě Khrystus „po mjasu“ Davidowy syn, tak bě po duchu swjatosće, t. j. po duchu Božim, wěry Syn Boži, a wopokaza so jako Syn Boži z mocu, t. j. z džiwami, wosebje z wotmortwych-wstaćom. — 5. Přez njeho bu Pawoŭ powołany k japoštoŭstwu, zo by mjez mnohimi ludami ewangelium rozšěrjał a tak wšitcy poslušni byli wěrnosćam wěry a spóznali Jězusa Khrystusa a česćili jeho swjate mjeno. — 7. Přeni rjadk a přeni džěl sedmeho zwisujetaj a tworitaj zwučene napismo lista, kotryž Pawoŭ powołanym swjatym, t. j. křesćanam w Romje sće. \*\* Te słowa wobsahuja postrowjenja a přeća. Pawoŭ přeje čitarjam swojeho lista najwosobniše duchowne kubła, dokelž hnada Boža a pokoj swědomja je najrjeńši plód wumóžen-skeho skutka. — 8. t. r. waša wěra a vaše žiwjenje po wěrje khwali so wšudže a tohodla džakuju so Bohu. — 10. Pawoŭ prosy nutrnje, ale z podaćom do Božeje wole, zo by něhdy tež k Romskim přińć móhl. — 12. Dwoja wina zbudzuje w s. Pawole žadosć, do Roma přińć; wón chce Romskich we křesćanstwje wobkrućeć, duchowne kubła, přede wšim bóžske wěrnosće jim wudžělejo; a chce tež sam, jich skutki wěry widžo, so zwjeselić, w křesćanskim žiwjenju so posylnić, dokelž ma tusa mu wěru, kaž woni. — 13. Tež mjez Romskimi, w hłownym měsće tehdyšeho swěta, chce Pawoŭ duše za Jězusa dobywać, a sebi zaslužby hromadzić. — 14. t. r. mjeze wšěmi pohanami, njech su kajcyžkuli po narodže a po zdžělanosći, sym winowaty ewangelium wozjewjeć, a tohodla tež mjez wami.